

Dumonda Cantieni concernent la producciun d'energia solara vi da stabiliments d'infrastructura e vi d'edifizis dal chantun

Senza dubi ston las energias regenerablas vegnir engrondidas massivamain en Svizra ils proxims onns, per che l'aboliziun da l'energia atomara possa vegnir cumpensada pli u main e per ch'i na naschia betg ina dependenza massiva da l'exteriur. En spezial sto la producciun d'electricitad vegnir extendida fermamain durant l'enviern. L'incumbensa Gasser concernent dapli electricitad per il Grischun producida l'enviern cun fotovoltaica, ch'è vegnida acceptada dal Cussegl grond, pretenda pervia da quai da serrar la largia tar la producciun d'electricitad l'enviern cun promover implants da fotovoltaica.

Stabiliments d'infrastructura dal chantun, en spezial stabiliments da l'Uffizi da construcziun bassa, paran d'avair in grond potenzial en quest connex. I pon vegnir numnads per exempel: spazis libers tar construcziuns da sustegn da vias, mirs per lung da las vias chantunalas, paraids da protecziun cunter la canera (sch'ellas sa chattan en vischinanza d'in colliaziun electrica suffizienta ed èn drizzadas vers sid), fatschadas sid d'edifizis dal chantun e.u.v. Il chantun duess surpigliar ina funcziun d'exempel ed utilisar, dapertut nua che quai è pussaivel, las atgnas infrastructuras per producir energia.

Las sutsegnadras ed ils sutsegnaders dumondan la Regenza, sch'ella ha l'intenziun:

- a) d'examinar e da realisar en il futur l'installaziun d'implants fotovoltaics tar tut ils projects d'infrastructuras e d'edifizis, er sche la rentabilitad n'è per pauc betg dada;
- b) da surdar l'incumbensa d'analisar il potenzial d'implants fotovoltaics en il rom dals stabiliments d'infrastructura existents; e sche gea
- c) da surdar l'incumbensa da far in studi da realisabladad dals implants fotovoltaics en dumonda e d'als realisar la finala tenor ina glista da prioritads.

Cuira, ils 11 da favrer 2020

Cantieni, Bigliel, Rettich, Alig, Atanes, Berweger, Bettinaglio, Bondolfi, Brunold, Buchli-Mannhart, Cahenzli-Philipp, Caluori, Casutt-Derungs, Cavegn, Caviezel (Cuira), Degiacomi, Della Cà, Deplazes (Cuira), Deplazes (Rabius), Ellemunter, Epp, Fasani, Felix, Florin-Caluori, Gartmann-Albin, Gasser, Geisseler, Hartmann-Conrad, Hefti, Hofmann, Horrer, Kappeler, Kienz, Kohler, Kunfermann, Loepfe, Maissen, Märchy-Caduff, Marti, Müller (Favugn), Natter, Niggli-Mathis (Grüsch), Perl, Pfäffli, Preisig, Rüegg, Rutishauser, Sax, Schmid, Stiffler, Thür-Suter, Tomaschett (Breil), Tomaschett-Berther (Trun), von Ballmoos, Widmer (Favugn), Widmer-Spreiter (Cuira), Wilhelm, Zanetti (Sent), Costa, Flütsch (St. Antönien), Gaupp, Spadarotto, Stieger